

傷寒辨證

卷三

三原 陳堯道 素中著

陽信 勞鳳翔 虞廷訂

自利五十

下利有寒
有熱

自利者不因攻下自然溏泄也要在辯寒熱而治之
庶幾無差大抵陽熱之利與陰寒之利自是不同陽
利渴欲飲水溺色赤發熱後重糞色必焦黃或為腸
垢所去皆熱臭臍下必熱得涼藥則止得熱藥愈增

溫熱病下
利多宜攻
熱

陰利不渴小便色白或厥冷脉沉遲無力必洞下清
穀或為驚澹糞色或白或淡黃臍下多寒三陽下利
身熱太陰下利手足溫少陰厥陰下利身涼無熱此
其大槩耳傷寒合病家皆作自利治各不同太陽陽
明合病下利葛根湯太陽少陽合病下利黃芩湯陽
明少陽合病下利小柴胡湯加葛根芍藥合病發熱
自利則為表邪不可例以為裏證也溫熱病發熱而
渴小便赤色大便自利五苓散去桂加黃芩熱內盛
而利不止黃連解毒湯躁悶狂亂者三黃石膏湯或

大柴胡湯自利不渴屬太陰以其藏有寒故也當溫之宜服四逆輩以太陰藏寒宜用四逆輩則用理中可知若寒甚逆冷脉沉細者理中湯加附子若腹滿小便不利者五苓散合理中湯主之若嘔者加半夏生薑自利而渴屬少陰虛故引水自救白通湯主之以通其陽而消其陰與白通湯利不止厥逆無脉乾嘔煩者白通加豬膽汁湯主之借膽汁嚮導之力以引陽藥深入服湯後脉暴出者死正氣因發泄而脫也脉微續者生陽氣漸復也少陰病腹痛小便不利

四肢沉重疼痛。自下利者。此為有水氣。其人或欬或
小便利。或下利。或嘔者。真武湯主之。以運脾滲水為
務。少陰病。下利清穀。裏寒外熱。手足厥冷。脉微欲絕。
身反不惡寒。其人面赤色。通脉四逆湯主之。少陰病。
吐利。手足厥冷。煩躁欲死者。吳茱萸湯主之。自利不
止。裏寒下脫。此利在下焦。赤石脂禹餘糧湯主之。少
陰病四逆。其人或欬或悸。或小便不利。或腹中痛。或
泄利下重者。四逆散主之。此以陽邪傳至少陰。陷入
於裏。而不能交通陽分。故不宜苦寒攻之。而但以此

和解之少陰病自利清水心下必痛口乾燥者急下
之熱邪傳入少陰逼迫津水注為自利質清而無滓
穢相雜色青而無赤黃相間此正陽邪暴橫反類陰
邪但陽邪傳自上焦其人心下必痛口必乾燥設係
陰邪則心下滿而不痛口中和而不渴必無此枯槁
之象故宜急下以救其陰也厥陰下利清穀裏寒外
熱汗出而厥者通脈四逆湯主之下利腹脹滿身體
疼痛者先溫其裏乃攻其表溫裏四逆湯攻表桂枝
湯此總以溫為急也裏大汗出熱不去內拘拘急四肢

痛又下利厥逆而惡寒者四逆湯主之惡寒脉微而復利利止亡血也四逆加人參湯主之蓋亡血本不宜用薑附以損陰陽虛又不當用歸芍以助陰此以利後惡寒陽氣下脫已甚故用四逆以復陽為急也加人參則陽藥愈加得力陽生則陰長設誤用陰藥必致腹滿不食或重加泄利嘔逆轉成下脫矣下利手足厥冷無脉者灸之下利譫語者有燥屎也宜小承氣湯蓋下利則熱不結胃不實何緣得有譫語此必邪返于胃內有燥糞故雖下利而結者自若也故

下利脫氣
至急

用小承氣以微攻其胃大抵下利脫氣至急五奪之
中惟此為甚故不厭詳審下利日十餘行脉反實者
死傷寒發熱下利至甚厥不止者死厥證但發熱則
不死以發熱則邪出於表而裏證自除下利自止也
若反下利厥逆煩躁有加則其發熱又為真陽外散
之候陰陽兩絕故主死也傷寒發熱下利厥逆躁不
得卧者死躁不得卧腎中陽氣越絕之象也下利而
手足厥冷皆為危候以四肢為諸陽之本也故加以
發熱躁不得卧不但虛陽發露而真陰亦已燦盡無

餘矣。安得不死乎。金匱要略曰：六府氣絕於外者，手足寒，五藏氣絕於內者，利下不禁，氣已脫矣。孰能治之。

熱入血室六十

衝脉為血海，即血室也。衝脉得熱，血必妄行。在男子則下血，讖語在婦人則月水適來。陽明病下血，讖語兼男子言，不止謂婦人也。但以婦人經氣所虛，邪得乘虛而入，故病熱入血室為多。然婦人熱入血室，有須治而愈者，有不須治而愈者。如傷寒論曰：婦人中

風發熱惡寒經水適來得之七八日熱除而脉遲身

涼

邪氣內陷表證罷也

胸脇下滿如結胸狀譴語者此為熱入

血室當刺期門隨其實而瀉之又曰婦人中風七八

日續得寒熱發作有時經水適斷者此為熱入血室

其血必結故使如瘧狀發作有時小柴胡湯主之二

者是須治而愈也

者

又曰婦人傷寒發熱熱經水適來

晝則明了暮則譴語如見鬼狀者此為熱入血室無

犯胃氣及上二焦必自愈此是不須治而愈者也夫

胸脇滿如結胸譴語此言適來即斷是邪氣留結於

胸脇而不去血結在裏為實證故必刺期門隨其實而瀉之不善刺者以小柴胡湯去參加桃仁丹皮穿山甲以消之熱感神昏但頭汗出者稍加酒大黃微利之以有瘀血故頭汗出也寒熱如瘧發作有時此言經行未盡而適斷雖有結血未為全實以小柴胡湯加丹皮生地以清之二者既有留邪必須治之可也若發熱經水適來晝則明了暮則譫語此則經水既來而不斷裏無留邪故晝日明了但暮則譫語俟經盡熱隨血散自愈不可刺期門犯胃氣及用柴胡

治法詳悉
不刺期門
亦可

犯上二焦也。不能刺期門者。許氏以柴胡加生地黃
保命集以小柴胡加牡丹皮。令血隨熱散而愈。雲岐
子曰。婦人傷寒。身熱脉長而弦。屬陽明少陽往來寒
熱。夜躁晝寧。如見鬼狀。經水適斷。熱入血室。不實滿
者。小柴胡湯去參加牡丹皮。桃仁歸尾穿山甲以消
之。大實滿者。桃仁承氣湯下之。婦人傷寒。表虛自汗
身涼。四肢拘急。脉沉而遲。太陽標病。少陽本病。經水
適斷。桂枝加附子紅花湯。婦人傷寒。汗解表除。熱入
血室。擾其營血。經水過多。不受補益。芍藥甘草湯。

鬱冒

六十

鬱為鬱結而氣不舒。冒為昏冒而神不清。俗謂之昏迷是也。皆因虛乘寒所致。經曰：諸虛乘寒者，則為厥。鬱冒不仁，此寒氣乘虛中於人也。也。駱龍吉以附子湯加人參、川芎、天麻、乾薑之類治之。經曰：太陽病，先下之不解，因復發汗，以此表裏俱虛，其人因冒。冒家汗出自愈，由表和也。若不得汗不解者，以人參、三白湯加川芎、天麻主之。如下虛脉微者，加附子溫經，乃固本也。昏冒耳聾，非大劑溫補不能取效。經曰：滋苗。

此事難知
有鬱冒極
中竅會

者必固其本。伐下者必枯其上。此之謂也。又或少陰
病下利止而頭眩。時時自冒者死。以其虛極而脫也。
又陽明病小便不利。大便乍難乍易。時有微熱。喘冒
不能卧。有燥屎也。宜調胃承氣湯。亦有畜熱內甚而
脉道不利。反致脉沉細而昏冒欲死者。須審其人之
素稟或壯。或傷於酒。灸或六七日不大便。宜黃連解
毒湯加承氣湯下之。此事難知。曰傷寒心下不疼。腹
中不滿。大小便如常。或傳至十日以來。漸變神昏不
語。或睡中獨言一二句。目赤唇焦。舌乾不飲水。稀粥

與之則噦不與則不思形如醉人此熱傳入少陰心
經也因心火上而逼肺所以神昏蓋肺為清肅之藏
內有火邪故令神昏若脉在丙者脉浮也宜導赤散脉
在丁者脉沉也宜瀉心湯丙丁俱有熱者浮沉俱有力也宜導
赤瀉心湯醫者不識此證便以為將死誤治者多矣
最忌鍼灸鍼灸則愈增其熱而死最忌大下與食則
噦邪不在胃也邪熱既不在裏誤用承氣下之其死
也必矣今傷寒溫熱傳變極多此證不可不察也又
活人書云傷寒差後後又云傷寒後不差或十數日或半月二

十日終不惺惺常昏沉似失精神言語錯謬或作
鬼祟或作風疾多般治不差或無寒熱或寒熱似瘧
或朝夕潮熱都是發汗不盡餘毒在心胞絡間所致
也宜服知母麻黃湯溫覆令微汗若心煩不眠欲飲
水當稍稍與之令胃中和即愈未汗須再服以汗為
度此說亦有理須是不曾大發汗及病以來身無汗
者尤為相或知母麻黃湯中加酒炒黃連更好

動氣

六十

動氣者乃藏氣不調肌膚間築築跳動隨藏所主而

人之有動
氣者極多
當詳虛實
不宜全禁

見於臍之上下左右以其人脾胃素虛水結不散即
發動氣狀如奔豚但動氣時聚時散奔豚則固結不
散也不言當臍者脾為中州以行四藏之津液左右
上下皆不宜汗下何況中州其敢輕動乎凡看傷寒
必問病人有無臍旁動氣須以手按其處牢若痛是
皆真氣虛雖有表裏攻發之證即不可汗下按動氣
不可汗下者以邪之所聚其氣必虛即傷寒虛者不
可汗下之例即有汗下之證但解肌微和胃氣可也
若表裏證甚急而人不大虛者當不在禁例若誤汗

則傷陽陽傷則邪併於氣而氣上沖或欬吐眩暈或
心煩惡寒者并五苓散去朮加棗仁降歛之誤下則
傷陰陰傷則虛陽不禁而氣下奪或身熱踰卧或下
利汗出者併宜大建中湯吳茱萸湯附子理中湯加
桂苓急溫其裏則虛熱不治自息矣一法誤汗誤下
所見諸證皆胃氣虛寒困憊之候通用理中湯去朮
加桂苓為主以茯苓利水桂泄奔豚故宜加用白朮
滯氣故去之久病脾氣衰極而無客邪者生朮以附
子製過亦無妨礙更宜參以所見之證為主治不必